

**Рашидов Арман,  
Сухорабовка орта мектебінің 8 сынып оқушысы**

Астананың қаланған бұл әр тасы-  
Құдай берген Нұрағанның  
арқасы.

Көргендердің мақтанышы  
болды шын

Астанада Қазақстан картасы!

Біздер 2030- дың іргетасын қалаушылармыз. Бір - екі жылдан кейін біз де өмірге араласамыз. Өмірдің қилы сынақтарынан өтеміз. Бүкіл әлемге достықты паш ететін ынтымақшыл, бірлікшіл, бейбітшіліктің қамалын берік ұстайтын ұлы Қазақстан мемлекетінде білімді, заман талабына сай азаматтар қажет. Бізге - жас ұрпаққа ондай сезімдерді өзінің ісімен, сөзімен ұялататын, әсер ететін, сіңіретін – алыптар тобының ардақты өкілі Нұрсұлтан Әбішұлы Назарбаев деп сеніммен айтамын.

Жақсылардың үлгісі,

Жанып тұрған шамдай.

Жақсылардың сөздері,

Ағып тұрған балдай.

Бұл қазақ халқының нақыл сөздері біздің Президентіміз сияқты адамдарға арналған. Бұндай адамдар халықтың бақыты үшін туады және де халық үшін жанын аямайды. Олар қараңғыда жарық беріп тұрған от сияқты, олар – қанатты тұлпар сияқты, өйткені олар тәжірибелі, білімді, талай бәйгені алып, талай шынды бағындырған.

Ата – бабаларымыз қанша қиыншылықтарды бастан кешірді. Олар сонау екі жүз жылдық жоңғар-қазақ шайқасынан басталады. Ел ұғымында «Есімханның ескі жолы», «Қасымханның қасқа жолы» секілді қасиетті атаулар қалыптасса, тәуелсіздікке қол жеткізген

[Введите текст]

алғашқы күннен «Нұрсұлтанның нұрлы жолы» халық жүрегінен орын алады. Ата – баба-

ларымыз қанын төгіп, жанын қиып, осынау байтақ даланы бізге мұра етіп қалдырып, сыннан сүрінбей өтіп, бізге тәуелсіздік отын жақты.

Қазіргі таңда біздің мемлекетіміз үлкен жетістіктерге жетіп, қарқынды даму жолында. Саясаты да, экономикасы да дамып келе жатыр. Баяғы тоқсаныншы жылдардағы Қазақстанды бүгінгі Қазақстанмен салыстырсақ үлкен айырмашылығын көре аламыз. Тоқсаныншы жылдарда халықтың әлеуметтік жағдайы төмен деңгейде болған және экономика мен саясат нашар болды. Басқа елдер жер бетінде Қазақстан деген мемлекет бар екендігін білген жоқ. Тек қана тәуелсіздік таңы атқаннан кейін Қазақстанның жағдайы жақсарды. Мемлекетімізде көптеген өзгерістер болды.

Нұрсұлтанның жігерлі іс-әрекетінің арқасында еліміздің ішкі-сыртқы саясаты үнемі толайым табыстарға қол жеткізді. Мысалы, жаңа астанамыз – Астана бой көтерді.

Елордамыз – Астана қаласы сәнді әрі мәнді сәулет өнерінің керемет үйлесім тапқан сұлу шаһары. Зәулім ғимараттар мен оған келсіп тұрған нысаналар Астананың сәніне ерекше мән беріп, қала тұрғындары мен қонақтардың күнделікті өмірін қуанышқа айналдырады. Бүгінгі астанамыздың қақ төрінде көк тасқа өсиет-намысын жазып қалдырып кеткен Күлтегіннің барыс мінезді ұрпағы екенімізді дәлелдеп тұрғандай. Бабалар арманы ақиқатқа айналды. Ұлы істердің бастамасын, туын Сарыарқа төсіне тігуден бастады. Меніңше, Астана дами берсе, ел абыройы соғұрлым арта түседі. Абырой атағының артуы - барлық қазақстандықтар үшін үлкен мерей.

1994 жылдың алтыншы шілдесінде Парламент қабылдаған шешім шын мәнінде тарихи да тағдырлы шешім болды. Бұл шешім Тәуелсіздіктің алғашқы жемістері ғана емес, жас мемлекетіміздің тұңғыш жеңістерінің де бірі.

Осы жылдар ішінде әлемге танылған Астана Қазақстанды да әлемге әйгілі етті. Сарыарқа төсінен бой көтерген Астана бүгін де еліміздің мақтанышына, даламыздың көркіне айналып отыр. Бір мың тоғыз жүз тоқсан бірінші жылы егемендік алған еліміздің аяғынан тік тұрып кетуі оңай болған жоқ. Қиындық көп болса да, Президентіміздің дұрыс басқаруының арқасында мемлекетіміз биікке көтерілді.

[Введите текст]

Қаншама бұл шайқалтса да қатты ағыс,

Арманымыз қанатын зор қақты алыс!

Елбасы мен Астананың тарихи

Туған күні - елге мерей, мақтаныш

Астанаға барып, әсемдігін көргенде, жүрегім бақытқа толып, жанымды мақтаныш сезімі баурап алады. Астанамыз еліміздің соғып тұрған жүрегі, өйткені астанамыздың даму қарқыны, еліміздің даму қарқынымен байланысты.

Астананың қаланған әр тасы-

Құдай берген Нұрағаның арқасы.

Көргендердің мақтанышы болды шын

Астанамның көркемдігі елімнің,-

деген өлең жолдарымен көңілге ұялаған сезімдерді жеткізгім келеді.

Еліміздің егемендік алып, тәуелсіздік тұғырына көтерілгелі 18 жылдан асып барады. Тарих үшін бұл аз ғана уақыт болғанымен, Қазақстан халқы үшін тәуелсіздіктің әрбір күні үлкен маңызға ие. Сөйтіп, қысқа уақыт аралығында аяғынан нық тұрған елге айналдық . Қазақстанды әлем тұрғындары бейбітшілік сүйгіш, ізгі мақсаттарға қол созған тәуелсіз ел ретінде жан-жақты білетін болды. Еліміздің ЕҚЫҰ-ға төрағалық қызметіне кірісуіне орай 14 қаңтар күні Қазақстан Президенті Нұрсұлтан Назарбаевтың үндеуін тыңдағанда осындай ой түйдім.

Елбасы еліміз тәуелсіздігін алған кезден бері мемлекетімізді әлемге танытуда бар күш-қуатын жұмсап келеді. Соның бір нәтижесі деп Қазақстанның ЕҚЫҰ-ға төрағалық етуін келесі өлең жолдарымен жеткізгім келеді.

Қазағым көпті көрген көне халық,

Ту етіп ата арманын келеді алып.

Тендессіз бірлігімнің арқасында

Жасайды Еуропаға төрағалық.

[Введите текст]

Еуропаның бұл Ұйымның төрін қазақ жұртына ұсынуы – оңайлықпен келген жоқ. Бұған біз мемлекетіміздің ұстанған саясаты мен батыл қолға алған бастамаларының арқасында қол жеткіздік. Бұл төрағалық – Қазақстан үшін үлкен абырой әрі мәртебе. Біз төрағалықтың екі қыры бар екендігін есте сақтауымыз керек. Біріншісі - әлемнің ең беделді де белді Ұйымына Қазақстанның төрағалық етуі – бұл ел үшін, жұрт үшін сөзсіз абырой, сөзсіз мәртебе. Ал екіншіден, бұл төрағалық Қазақстанға үлкен жауапкершілік жүктейді. Себебі, төрағалыққа қол жеткізуіміз – біздің еліміздің күллі ТМД елдері мен Орталық Азия мемлекеттерінің арасындағы беделін айқындап қана қоймай, олардың арасында бұл мәртебені бірінші болып иеленгендігін көрсетеді. Яғни, бұл Қазақстанның осы елдердің арасынан суырылып шығып, «бірінші мемлекет» болғандығын айқындайды.

Біздің ата- бабаларымыз «Кемедегінің жаны бір» деген даналығын қазір бүкіл Жер шарын мекендеген адам баласы сезініп отырғандай. Өткен ғасырдың соңына қарай халықаралық сыртқы саясатта жаңа дәуір басталады. Бұған басқа оқиғалармен қатар, КСРО державасының ыдырап, оның құрамындағы мемлекеттердің тәуелсіздігін алуы да көп ықпал еткені рас. Бұрынғы қалыптасып қалған жол тұйыққа тіркелгендіктен, Кеңес Одағынан бөлінген елдер әр түрлі жағдайды бастан кешті. Оларда қантөгіс те, экономиканың тұралауы да, әлеуметтік жағдайдың шиеленісуі де орын алды. Солардың ішінде Қазақстан экономикасын құлдыратпай, халқының жұдырықтай жұмылған бірлігін бұзбай дамудың жақсы үлгісін көрсетті. Мұның өзі мемлекетімізге халықаралық аренада зор бедел алып келді.

Қиын шақта қазақ халқы тағдыр тізгінін Нұрсұлтандай қалаулы ұлына тапсырып еді. Тығырықтан алып шыққан Елбасы халқының үмітін қанаттандырып, елін өркениетке қарай бастап келе жатыр. Бұл – тығырықтан шығудың түбегейлі тетігі ғана емес, жаңаша дамуға бағытталған жасампаздық жолы деп білемін.

«Түнде ұйықтамаған, күндіз отырмаған» Күлтегін батырдың ұрпағы- Нұрсұлтан Әбішұлының әрбір сөзін халқы қолдайды. Елбасымыздың сіңірген өлшеусіз еңбегі- қайталанбас еңбек. Отанымыздың осы бір айшықты абройы асқақтай берсін деймін.

Өткен күнде белгі жоқ дегендей, он екі жыл бұрын елдің қауіпсіздігінің өзі мың құбылып тұрған кезде Президентіміздің көрегендігі мен кемеңгерлігі, көсемдігі арқасында жаңа астанамыз – Астана бой көтерді. Астананың он жылдығын тек қана Қазақстан емес, бүкіл дүниежүзі атап өтті. Оған дәлел басқа мемлекеттердің ақпарат құралдарында Астана туралы көп

[Введите текст]

жазды. Бұл еліміздің құдіретін қастерлеген елордасын қасиет тұтқан елдің өр рухының жеңісі, Елбасының жанқияр еңбегінің жемісі. Елбасы мен елорда егіз ұғым.

Қазақта «Жеті атасын білмеген жетігез» дегендей Астананың қазіргі жарқыраған жаңа көшелеріне Сарайшық, Жент, Баласағұн сияқты аттардың берілгені төл тарихымызға деген бүгінгі ұрпақтың құрметі. Тәуелсіздіктің тура жолын таңдап,өзінің сарабал саясатымен Қазақ елін дүниежүзі қауымдастығы алдында танытқан Елбасы Нұрсұлтан Назарбаевтың еңбегін бүгінгі жастар айрықша бағалайды..

Мемлекет басшысы алдында адал қызмет ету бәріміздің абзал борышымыз.

Мен жас ұрпақтың өкілі ретінде Отанымның лайықты азаматы болуға тырысамын. Ол үшін еліміздің ең үздік оқу орнына түсуді армандаймын.

Елбасының елімізде өткізіп жатқан саясаты арқылы еңбекке , білімге , елге деген сүйіспеншілігіміз бізді үлкен белестерге жеткізеді деп ойлаймын және болашақта өз елімнің дамуына тиімді үлесімді қосамын.

Н.Ә.Назарбаев айтқандай «Арман – жақсылықтың жақсы қасиеті».

Сондықтан мен қазіргі күннен бастап, бәсекеге қабілетті және арманымның биік шыңына жету үшін, барлық күш-жүгерімді саламын. Бәрі де өз қолымызда, қандай белестер болмасын адам талпынса, ол міндетті түрде мақсатына жетеді. Оны келесі өлең жолдарымен дәлелдегім келеді:

Тауды биік демендер,

Талаптансаң шығасың.

Жауды мықты демендер,

Ерлік қылсаң – жығасың.